

№ 2005

86 95₁₄



ЖЕҢІСКЕ
арналған

100 эн
песен,
посвященных

ПОБЕДЕ

**ЖЕҢІСКЕ АРНАЛҒАН
100 ӘН
100 ПЕСЕН,
ПОСВЯЩЕННЫХ
ПОБЕДЕ**

ББК 85.94 я 438

Ж 47

Жеңіске арналған 100 ән

Ж 47 100 песен, посвященных Победе. —

Алматы: Өнер, 2005. — 136 бет

ISBN 9965-595-86-0

Бұл жинаққа соғыс жылдары және одан кейінгі уақытта кең тараған майдан тақырыбындағы 100 ән енгізіліп отыр.

Ұлы Жеңістің 60 жылдығына арналған әндер жинағы ән сүйер көпшілік қауымға арналған.

В сборник вошли тексты 100 популярных песен военных лет и послевоенного времени. Сборник, посвященный 60-летию Победы, рассчитан на широкий круг любителей песен.

ББК 85.94 я 438

Ж 4905000000
409(05) — 05

ISBN 9965-595-86-0

© Өнер, 2005

“...Ән сөздерінің барлығы жай сөздер емес, ол сөздер біздің Отанымыздың, армиямыздың тарихы болатын. Ол сөздерде халық жүрегінің қасиетті патриотизмі жатқан-ды. Сол патриотизмнің арқасында Отанға опасыздықпен шабуыл жасаған неміс фашистерін күл-талқан етіп жеңіп шықтық”.

Бауыржан Момышұлы

МАЙДАН ЖЫРЫ

Өлеңін жазған Ә. Тәжібаев

Әнін жазған Б. Ерзакович

Тиді жау Отанға гүл жайнаған,
Жан болмас аттанбаған.
Жалындай лаулай, қаптаймыз қалмай,
Жүрекпен тайсалмаған.

Қайырмасы:

Отаным әмір берді,
Ашылған күн зор майдан.
Тасқындай ұмтыламыз,
Ағызамыз жаудан қан!

Ақ алмас қайырылмас тағынамыз,
Майданға ағыламыз.
Соғысқа, айуанға кешірім жоқ,
Қанға қан ағызамыз.

Қайырмасы.

МӘЛІК БАТЫР

Өлеңі мен әнін жазған Е. Есетов

Уа, батыр, қан майданда кескілескен,
Жаныштап жауды жерге ерегіскен.
Хош көріп келгеніңді, құрметтейді
Бай өлке, балғын елің туып-өскен.

Қайырмасы:

Уа, батыр Мәлік,
Болды қанық атыңа
Бүкіл халық.

Өр кеуде, отты жүрек, батыр Мәлік,
Зор даңқың дүниені кетті жарып.
Майданда, ризамыз, ойнадың сен,
Бейне бір найзағайдай жарқыл қағып.

Қайырмасы.

ТӨЛЕГЕН ТОҚТАРОВ ТУРАЛЫ ӘН

Өлеңін жазған А. Тоқмағамбетов

Әнін жазған Б. Ерзакович

Тағынған тал бойына алтын алқа,
Сағынып Төлегенін Алтай, Арқа.
Ашады сүйіспендік жайып құшақ,
Дегендей: “Халқым сүйген келші, қалқа!”
Ай қалқып, жұлдыз жүзі шығып шыңға,
Алтайды бөлегенде таңғы нұрға.
Айбыны Алтайдан да асып артқан,
Көз түсер алып тұлға, батыр тұлға!

Қайырмасы:

Найзасын көкке тіреген,
Семсерін айға білеген.
Алтайдан туған алып ұл —
Бұл арыстан Төлеген.

Туан жер, Өскен орта, байтақ дала,
Махаббат, ыстық жүрек құмарлана.
Сүйеді Төлегендей ер баласын,
Баулыған батырлыққа Отан-ана.
Баласын алып Алтай құшағына,
Сүйеді, жүрегіне қысады да.
Сырласып таң атқанша, бірге болып,
Таң атса, тау қалады, ол ұшады да.

Қайырмасы.

ЖИЫРМА СЕГІЗ ЕР

Өлеңін жазған Ф. Қайырбеков

Әнін жазған Ә. Еспаев

Жиырма сегіз, жиырма сегіз — бір ғалам,
Анау жаудың танктері зулаған.
Ресей кең, артымызда — Москва,
Шегінуге хақымыз жоқ бір қадам!

Қайырмасы:

Аттық, қане, аттық, қане,
Ал гранат, ал қанша.
Ақтық қаның, ақтық жаның
Айқасамыз қалғанша!

Жиырма сегіз, жиырма сегіз — бір ғалам,
Анау жаудың танктері зулаған.
Аман қалды, аман қалды
Москвадай ұлы анаң,
Шегінбеді, шегінбеді жиырма сегіз бір қадам,
Шегінбеді жиырма сегіз бір қадам!

Қайырмасы:

Ердің бөрі, ердің бөрі
Шегінбеді бір қадам.
Елдің бөрі, жердің бөрі
Аңыз етіп жырлаған.

МӘНШҮК ТУРАЛЫ ӘН

*Өлеңін жазған Т. Жароков
Әнін жазған С. Мұхамеджанов*

Дауылмен тербеп оның жас бесігін,
“Мәншүк” деп ел атаған ерке есімін.
Адамша ақтау үшін ана сүгін,
Майданның, пулеметпен ашты есігін.

“Максимін” басқан сайын бас бармағы,
Жаулардың өлік болды жастанғаны.
Атысты ол от ішінде сүңгіп жүріп,
Секілді қамысты көл қасқалдағы.

Ай өткен, жылдар өткен, ғасыр өткен,
Жеңіспен майдан бітіп, жас ер жеткен.
Ерлігі ел жүрегін тебіrentкен,
Ұрпаққа ұран болып Мәншүк кеткен.

БЕЙБІТШІЛІК ЖЫРЫ

*Өлеңін жазған Н. Баймұхамедов
Әнін жазған А. Жұбанов*

“Бейбітшілік” деп салған —
Халықтардың ұраны.
Қара күшке жұмсалған
Ең жеңімпаз құралы.

Таң шапағы атқанда,
Серпілмейтін түн бар ма?
Әділеттік қашанда
Жеңбей қалған күн бар ма?!

Достық, тату өмірге
Дүние жүзі сенеді.
Соғыс өртін өшіре
Бейбітшілік жеңеді.

Жеңген ұран — жеңісі,
Рақаттанар адамзат.
Ел мен елдер келісіп,
Бейбіт өмір — салтанат.

КӨГЕРШІН

Өлеңін жазған Н. Баймұхамедов

Әнін жазған А. Жұбанов

Ақ көгершін, көгершін,
Қолғанат құс сен едің.
Бар, кезіп қайт ел үшін,
Кең дүниенің көлемін.
Әділеттің құсы деп,
Көз алмастан жолыңнан.
Бақыт болып қоншы деп,
Ұшырамын қолымнан.

Қайырмасы:

Ел тілегін алып ұш
Адамзаттың бағына.
Кара бұлтты жарып ұш
Мұхиттың арғы жағына.

Сенен көзін алмайды
Ақ ниетті бар адам.
Ақ қанатың талмайды
Әділеттен жаралған.
Тыныш-бейбіт өмірдің
Белгісі боп қанат қақ.
Әлемге ортақ көңілдің
Қайт шыңына қонақтап.

Қайырмасы.

Қанатыңда жазылған
Жалғыз ауыз ұран бар.
Не құдірет құралдан
Ең күштісі сол құрал.
“Бейбітшілік” делінген.
Белгіні оқыр әр адам.
Бақыт құсы келді дер
Қанатыңа қараған.

Қайырмасы.

СОҒЫСТАН ҚАЙТҚАН СОЛДАТТАР

Өлеңін жазған С. Мәуленов

Әнін жазған Т. Әбілхатич

Жаутаңдап қарап дала тұр,
Көз жасын сүртіп жаңа бір.
Хабарсыз ұлын сұрауға,
Жолыңды тосып ана жүр.
Қанша үйдің ұрлап адамын,
Қанша үйде сөніп қалды оттар.
Көрдің бе ұлын ананың,
Соғыстан қайтқан солдаттар?

Кешікпей жарым келер деп,
Төрінен сайлап орынды.
Батысқа қарап елендеп,
Ару жүр тосып жолыңды.
Көтерді бәрін ауырдың,
Азамат болып арды ақтар.
Көрдің бе жарын арудың,
Соғыстан қайтқан солдаттар?

Кетерде солдат жарының,
Ішінде қалған ана жыл.
“Көкемді айтпай танырмын”,—
Деп бір сәби бала жүр.
Қайрылмай қалай кетесің,
Хабарсыз қалай ол тоқтар?
Көрдің бе оның көкесін,
Соғыстан қайтқан солдаттар?

ЖЕҢІС ЖЫРЫ

Өлеңін жазған Ж. Өмірбеков

Әнін жазған Е. Рахмадиев

Өрт лаулап, бүрқырап қорғасын,
Шеңгелін қанды ажал жайғанда,
Ойрандап жауыздың ордасын,
Болдық біз найзағай майданда!

Қайырмасы:

Жеңіс туы,
Жеңіс туы
Желбіресін мәңгілік!
Жеңіс жыры,
Жеңіс жыры
Асқақтасын жаңғырып!

Бел шешіп, қабағын ашпаған,
Бой жазды күлімдеп қалың ел.
Әлемді апаттан сақтаған,
Жеңіспен оралды жауынгер!

Қайырмасы

Жеңісім — салтанат, сән-сәулет,
Өмірім өркендей береді.
Жеңісім — береке, бақ-дәулет,
Осы ғой адамға керегі.

Қайырмасы.

ЖАС ҚАЗАҚ

*Әнін жазған Рамазан Елебаев
Өлеңін жазған Ғабиден Мұстафин*

Қар жамылған кең дала қанға бөгіп,
Күрілдейді сұр аспан өлім төгіп.
Жас қазақ! Мұрттай ұшты уралап.

Жанын қиып кете алмай жас өмірден,
Асқақтаған арманға өрмелеумен.
Жас қазақ! Жатты көзі от жайнап.

Сол бетінде жан берді ол, тұрмады,
Ары үшін елімнің боп құрбаны.
Жас қазақ! Атылды оқтай көре сап.

Ел қорғаған майданда жас арыстан,
Тоқтаровтай артыңа қалдыр дастан.
Жас қазақ! Жатты жауын жаныштап.

28 ПАНФИЛОВШЫЛАР ТУРАЛЫ ӘН

Әні мен өлеңін жазған Рамазан Елебаев

Бүлт басып күңірөнді,
Күзге қарсы ақ аспан.
Дабыл қағып ерлер жөнелді
Қару-жарақ белге асқан.

Кірпік қақпай алға аттай,
Бейне темір болаттай.
Қарсы тұрды жиырма сегіз ер,
Келсе де жау жер қаптай.

“Ала алмайсың,— деді батыр,
Дұшпанына,— еркімді.
Кең жерімді туған өрт салып,
Бұза алмайсың көркімді!”

Жолын бөгеп дұшпанның
Құрбан болды қайран ер,
Ер боп туған адал баласын,
Қойнына алды туған жер!..

БАУЫРЖАН

Әні мен өлеңін жазған Рамазан Елебаев

Армысың, айналайын, Бауыр аға,
Көргенде ақ жүзінді астанада.
Елестеп көз алдымнан өтіп жатты
Жауынгер сегізінші гвардия.

Қайырмасы:

Бауыр аға, батырым,
Полк бастар ақылың.
Бір де болсаң бірегей,
Мың сан қолға татырым.

Уа, еліме туғанында қиын-қыспақ,
Төрінде қан майданның құрып штаб.
Атқарар бір үмітті азаматтай,
Батырға бүкіл бейнең тұрды ұқсап.

Қайырмасы.

АЙША

*Әнін жазған Смағұл Көшекбаев
Өлеңін жазған Қайнекей Жармағамбетов*

Көк еркесі Айша қыз майдандағы,
Бомбовозбен аспанды сайрандады.
Оны көрсе қалың жау қапылыста
Амал таппай қайықтай қайраңдады.

Қайырмасы:

Ай, біздің Айша,
Осылайша Самғады,
Жауға көктен,
Жүргізді өктем, Талмады.

Кемесінің кеудесін жерге тіреп,
Көрген емес еш тәулік жерге түнеп.
Жау дегенде от шашып жанарынан,
Жасқанбайтын ұлан ол, ер көкірек.

Қайырмасы.

Мың-мың алғыс Айшаның анасына,
Оны өсірген әлпештеп даласына.
Мың-мың алғыс халқына батыр қыздың,
Ерлік салтын үйреткен баласына.

Қайырмасы.

ҚЫЗЫЛ ТОН

*Әнін жазған Смағұл Көшекбаев
Өлеңін жазған Хамит Ерғалиев*

Қызыл тон жаппасам да жарым саған,
Арналды жүрегімде барым саған,
сәулем-ау!

Ерлікпен қан майданда қаза болсам,
Аманат намысым мен арым саған,
сәулем-ау!

Арналды жүрегімде жалын саған,
Қашанда қарлығаштай жаным саған,
сәулем-ау!

Айғағы айнымастай махаббаттың,
Майданнан шалқып ескен әнім саған,
сәулем-ау!

Ризамын не тұрса да бақ пен сорға,
Өтемін бұл дүниеден сені қорғап,
сәулем-ау!

Қызыл тон осы болсын өзім жапқан,
Мінгізген тайпалмалы әнім жорға,
сәулем-ау!

ҚЫЗЫЛ СҰҢҚАР

*Әнін жазған Смағұл Көшекбаев
Өлеңін жазған Хамит Ерғалиев*

Ал көтеріп аспанға қызыл сұңқар,
Кезің келді шарықтап, биік самғар!
Қарға-құзғын төбемнен төнбесін Бақ,
Жұлдызым бақшамда сөнбесін!

Қарға-құзғын фашисті жерге тапта,
Оған бақыт ұясын ойрандатпа!
Қарға-құзғын төбемнен төнбесін,
Бақ, жұлдызым бақшамда сөнбесін!

Бүгін жаудан аспанды сен қорғайсың.
Ертең Айға, Шолпанға сен барғайсың.
Қара ниет, қанішер жайрасын,
Бақ, жұлдызым бақшамда жайнасын!

ЖАН ЖАРЫМ

Әнін жазған Ахмет Жұбанов

Өлеңін жазған Е. Жұбанов

Ну орман, тау мен құз,
Жүрсем де қашық тым.
Тұрмын тек мен жалғыз,
Қалтқысыз ғашықпын.

Айналам мүлгіген,
Жадымнан шықпайсың.
Көз алмай дүрбіден,
Сырымды ұққайсың.

Қайырмасы:

Сүйемін өзінді, аңсайды жүрегім,
Бер жауап сөзінді — сол менің тілегім,

Еліме сақшымын,
Қалқатай, қазір мен.
Сағындым, нақ шыным,
Күт мені әзірлен.

Махаббат Сіз еккен,
Жүректе гүлдеді.
Шекара күзеткен,
Жарым деп біл мені.

Отаным жайнаған,
Көп сұлу қыздары.
Солардан таңдаған,
Болшы сен, жан-жарым.

КЕСТЕЛІ ОРАМАЛ

*Әнін жазған Мұқан Төлебаев
Өлеңін жазған Асқар Лекерев*

Кестелі ақ жібек орамал,
Алыстан жолдаған сүйген жар.
“Жауынгер жарым, сен есіңе ал”,—
Деп жазған оюлап хаты бар.

Қайырмасы:

“Жауынгер жарым, сен есіңе ал”,—
Деп жазған оюлап хаты бар. .

Есіңе ал, еркетай жазғы таң,
Қол қысып, құшақтап аттанған.
Қас дұшпан мейірімсіз жауыздан,
Аяма деп едің қасық қан.

Қайырмасы.

Қас дұшпан мейірімсіз жауыздан,
Аяма деп едің қасық қан.

ТОС, МЕНІ, ТОС

*Әнін жазған Мұқан Төлебаев
Өлеңін жазған Нығмет Баймұхамедов*

Тос, мені, тос, қалқатайым,
Көп кешікпей мен барам.
Келеді деп күткен сайын
Асқынбасын жан жараң.

Тос, мені, тос, жадыра жаз,
Май айынық кешіндей.
Кетер күнгі құрбылық наз,
Бар айтқаның есімде.

Тос, мені, тос, босанар деп,
Қармағынан ажалдың.
Тос, мені, тос, тоса біл тек,
Көп кешікпей барамын.

КҮЙГЕНІМ-АЙ, СҮЙГЕНІМ-АЙ

Әні мен өлеңін жазған Кенен Әзірбаев

Мен тұрайын келгенше орыныңа,
Жұмысыңды келтірем толымына.

Қайырмасы:

Күйгенім-ай!
Жауды жеңіп тез қайтшы,
Сүйгенім-ай!

Ұлы Отанға берілген жүрегіміз, сәулем-ай,
Жауды шапшаң жеңуде тілегіміз.

Қайырмасы.

Жалтақтамай артыңа жауынды жең,
Тілектес боп, орныңда жүрейін мен.

Қайырмасы.